

四庫全書

史部

欽定四庫全書

史部

御批歷代通鑑輯覽卷一百十五

詳校官侍講_臣王燕緒

編修_臣裴謙覆勘

總校官舉人_臣章維桓

校對官編修_臣蔡廷衡

謄錄監生_臣吳嘉德

錄定四庫全書

御批歷代通鑑輯覽卷一百十四

明

莊烈帝

崇禎元年春正月詔中官非命不得出禁門

尊熹宗皇后為懿安皇后

三月葬德陵

謚曰愍皇帝廟號熹宗

明史贊曰明自嘉靖而後綱紀日以陵夷神宗末廢壞極矣雖有明明英武之君已難復振而重以帝之祿庸婦寺竊柄濫賞淫刑忠良慘禍億兆離心雖欲不亡何可得哉

贈卹冤陷諸臣

諸忤逆璫逮死若楊漣左光斗魏大中周順昌等皆贈卹有差既而鄒元標馮從吾高攀龍諸人亦俱贈廕

施鳳來張瑞圖罷

御史羅元賓

會稽人

疏糾鳳來等以為綸綽之重任總

鳳來等積惡已深元賓久列諫

垣前此何以喋
無一語窺其意
不過懼閣議方
熾遂爾依違洪
丞直至羣奸匪
脫始欲籍一疏
以沽直名殊為
可鄙迨瑞閣既
已劾罷而定逃
案時閣臣尚以
其無實狀為詞
可見當時廷臣
心術壞盡袒庇
固行其私意即
糾彈亦非出公
心世風凌替極

歸閣宦之權衡欲尚公則尚公欲封爵則封爵欲建
祠則建祠欲誅殺削奪則誅殺削奪情面多而擔當
少爵祿重而謀國輕遂使黃扉為置郵之所輔臣若
執簿之官誤國徇私莫此為甚帝是其言鳳來瑞圖
遂俱乞罷

陝西天赤如血

是月二十五日陝西全省天赤如血至已刻漸黃日

始出

占主大旱
有暴兵

夏四月以袁崇煥督師薊遼

初崇煥以忤魏忠賢去忠賢既伏誅廷臣爭請召崇煥至是進兵部尚書督師薊遼崇煥尋至都帝召見

平臺

即後右門明代亦名曰平臺

咨以方畧對曰臣受陛下特眷

願假便宜計五年全遼可復帝退少憩時廷臣咸在給事中許譽卿叩以五年之畧崇煥言聖心焦勞聊以是相慰耳譽卿曰上英明安可漫對異日按期責效奈何崇煥慨然自失頃之帝出即奏言東事本不

易竣陛下既委臣臣安敢辭難但五年內戶部轉軍
餉工部給器械吏部用人兵部調兵選將須中外事
事相應方克有濟帝為飭四部臣如其言崇煥又言
以臣之力守全遼有餘調衆口不足一出國門便成
萬里忌能妬功夫豈無人即不以權力掣臣肘亦能
以意見亂臣謀帝起立傾聽諭之曰卿勿疑慮朕自
有主持大學士劉鴻訓等復請賜崇煥尚方劍假之
便宜帝悉從之

崇煥復上言恢復之計不外臣昔年
以遼人守遼土以遼土養遼人守為

正著戰為奇著和為旁著之說法在漸不在驟在實不在虛此臣與諸臣所能為至用人之人與為人用之人皆至尊司其柄何以任而勿戴信而勿疑蓋敗邊臣與廷臣異軍中可驚可疑者殊多但當論成敗之大局不必摘一言一行之微瑕事任至重為怨實多諸有利于封疆者皆不利于此身者也況圖敵之急敵亦從而間之是以為邊臣實難臣非過慮但中有所危不得不告帝優詔答之

五月李國楷罷

國楷雖魏忠賢同鄉然每持正論至是乞歸薦韓爌

孫承宗自代旋卒于家

議文
敏

毀三朝要典

魏忠賢既誅其黨楊維垣等護持舊局上疏力詆東

林與崔魏並指為邪黨編修倪元璐

字玉汝上虞人

再疏攻

駁柄國者兩解之元璐尋上言請毀三朝要典

略曰挺擊

紅丸移官三議關於清流而三朝要典一書成于逆
暨其議可兼行其書必當速毀蓋當事起議興盛廷
互訟主挺擊者力護東宮爭挺擊者計安神祖主紅
丸者仗義之言爭紅丸者原情之論主移官者弭變
于機先爭移官者持平于事後數者各有其是不可
偏非總在逆璫未用之先雖甚水火不害損荒此一
局也既而楊漣二十四罪之疏發魏廣微此輩門戶
之說興于是逆璫殺人則借三案羣小求富貴則借
三案經此二借而三案面目全非矣故凡推慈歸孝
于先皇正其頌德稱功于義父此又一局也綱自密

而猶疑有遺麟勢已重而或憂其反局崔魏諸奸始
創立私編標題要典已之批根今日則衆正之黨碑
以之免死他年即上公之鐵券又一局也由此而觀
三案者天下之公議要典者魏氏之私書三案自三
案要典自要典今為金石不刊之論者誠未深思臣
謂翻即紛器政亦多事惟有毀之而已夫以閣駁之
權而後史臣之筆直古未聞當毀一未易代而有編
年不直書而加論斷若云彷彿明倫規模大典則是
魏忠賢欲與南皇帝爭聖崔呈秀可與張學敏比賢
悖逆非倫當毀二矯誣先帝偽撰宸篇既不可比司
馬先資治通鑑之書亦不得援宋神宗手製序文為
例假竊誣妄當毀三況史局將開館抄具簡七載非
難稽之世實錄有本等之書何
事留此駢枝供人唾罵當毀四
疏上帝從之遂焚其

板

六月來宗道楊景辰罷

宗道代李國樞為首輔事多詭隨編修倪元璐屢言時事宗道笑曰渠何事多言詞林故事止香茗耳時謂宗道為清客宰相景辰先與宗道為要典副總裁一徇奸黨指及朝局已變乃請毀要典言官交章劾之遂與宗道同罷

秋七月浙江海溢

海寇鄭芝龍

泉州南安人

降

閩海故多盜芝龍尤猖獗

據海島截商粟會閩中海
飢求食者多歸之勢益熾

然嘗敗官軍不追獲將士不殺當事者遣使撫諭遂

降會福建巡撫熊文燦

貴州永寧衛人

至善遇之使為己用

芝龍先後擊殺羣盜李魁奇鍾斌等擢授遊擊後又

平巨寇劉香

聞素有紅夷之患香乘之連犯閩廣沿海諸邑文燦令參政洪雲蒸往賊舟宣

諭被執芝龍

乃合廣東兵擊香于遠洋香脅雲蒸止

兵雲蒸大呼

曰我矢死報國急擊勿失遂遇害芝龍

兵進香勢感

遂自焚死其家屬

海氛漸息

芝龍尋擢副總兵數

詣浙江降

洪雲蒸長沙人

以海利交通權要
以貴顯

革廣寧及薊鎮塞外諸部歲賞

先是廣寧塞外綽哈納木圖古雲

舊作貴英今改

及薊鎮喀

爾沁三十六家歲授撫賞至是盡革去之會歲饑諸部請粟復不許因是攜貳我

大清悉收用之

寧遠兵變

調兵而兵譁索餉而餉絀明至崇禎之世國計迄不可問雖當

川湖兵戍寧遠者缺餉四月大譟餘十三營起應之縛巡撫畢自肅總兵官朱梅于譙樓自肅上疏自劾

時潢池未甚憂
延荒札未聞施
及何至歲入輒
告不充蓋由諸
司浮冒居多使
漁無忌即轉廉
備還亦半蝕于
墨吏備帥之手
人復上下家庇
稽核不嚴以致
持籌者時形支
拙耳卑自嚴目
擊時艱當慎出
入以節虛耗乃
裴孔泰故智思
費田增課搜括

脫走中左所自經督師袁崇煥聞變馳至捕斬首亂

餘撫定之請令祖大壽

遼東人

仍駐錦州中軍副將何

可綱

遼東人

隨已駐寧遠而移薊鎮趙率教于關門遂

羅寧遠及登萊巡撫時度支大拙錦州薊鎮兵相繼

譁戶部尚書畢自嚴

字錦曾
淄川人

言一歲之出浮于所入

一百一十三萬有奇而內供召買不與焉帝命羣臣

各陳所見自嚴擇其可者先後列上增鹽引議鼓鑄

括雜稅覈隱田增闕課皆瑣屑權宜之計民以重困

紛紛國未定而
民先病其後梁
廷棟復改為畝
加三釐之議利
飲謀求脂膏已
竭而股削更深
致悲怨無聊者
多靡然從盜推
厥禍首非自贖
而誰

九月京師地震

冬十月劉洪訓免尋遣戍

先是魏忠賢雖敗其黨猶滿朝言路新進者羣起擊

之諸執政李國樞等故嘗事忠賢不敢有所別白鴻

訓至閣毅然主持次第斥楊維垣李恒茂楊所修孫

之獬

之獬為侍講閣要典將毀詣閣力爭
且慟哭天下笑之
之獬潯川人

阮大鍼等

人情大快而羣奸餘黨恨刺骨帝數召見廷臣鴻訓

應對獨敏謂民困由吏治失請帝久任責成帝嘉納

之至是惠安伯張慶臻諱曾孫總督京營敕內有兼轄

捕營語提督鄭其心以非舊例舊例督京營者不轄尋捕軍論之

命覈中書改敕之故下舍人田嘉璧獄而給事中李

覺斯廣州東莞人言事由兵部具稿送輔臣審定中書繕

寫兵部及輔臣皆當問帝心疑其事乃御便殿問諸

閣臣皆云不知帝怒令廷臣劾奏于是覺斯言慶臻

納賄御史吳玉壽陽人言鴻訓主使而帝閱兵部揭有

鴻訓批西司房語帝意謂事已大著即令內閣擬旨

閣臣合詞申辦不納遂落鴻訓職謫戍代州兵部尚書王在晉削籍慶臻以世臣停祿三年

後鴻訓卒于戍所福王時

復官

十一月召對廷臣于文華殿禮部侍郎錢謙益

字受之常熟人

以罪削職都給事中章允儒

南昌人

等降謫有差

詔會推閣臣廷臣列吏部侍郎成基命

字靖之大名人

及謙

益等名以上

時向推者鄭以律李騰芳孫慎行何如寵薛三省戚以宏羅喻義王永先曹于

汴凡十一人

鄭以律字子器上饒人何如寵字康侯桐城人薛三省字魯淑定海人羅喻義益陽人

禮部尚書溫體仁

字長卿鳥程人

以無素望不與侍郎周延

儒

字玉繩宜興人

方奏對稱旨

先是錦州兵譁袁崇煥請給餉帝召問諸大臣皆請發內

帑延儒獨進曰關門苛妨敵今且防兵寧遠譁餉之錦州譁復餉之久各邊效尤帑將安給帝曰卿謂如何

延儒曰事處不得不發但當求經久之策帝悅曰卿言是也降旨責羣臣越數日復召問延儒曰餉莫如

粟山海積粟不缺也缺銀月何故譁安知非驕餉以脅崇煥邪帝方疑邊將要挾聞延儒言復悅曰

卿言是由此屬意延儒

亦弗及體仁揣帝意必疑遂上疏訐謙

益前典試浙江闕節受賄不當與閣臣選

謙益于天啟三年典

試浙江有奸人金保元徐時敏偽作闕節用俚俗詩一朝平步上青天句分置七義結尾授舉子錢千秋

遂中式千秋本能文本房薦擬第二主司抑置第四
知為保元時敏所賣與之開事傳京師為部科磨勘
者所發謙益大駭即其疏劾二奸乃千秋偃下吏論
或謙益亦奪俸二奸尋斃千秋遇赦釋還事已七年
矣至是體仁以枚卜不與疑
謙益實沮之遂復發其事
帝果心動次日召對閣

部科道諸臣于文華殿命體仁謙益皆至謙益不虞

體仁之劾已也辭頗屈而體仁盛氣詆謙益言如泉

湧因進曰臣職非言官不可言會推不與宜避嫌不

言但枚卜大典宗社安危所係謙益結黨受賄舉朝

無一人言者臣不忍見皇上孤立于是以不得不

錢謙益闕節一事真偽雖不可知然前此革率其獄時溫體仁已官禮部何不聞時疏糾陳乃因不與廷推輒假公直之名潛行傾軋章允儒斥其熱中失望實洞見癥結之言體仁顧以謙益昔嘗問曹為解尤為理窮辭

言帝久疑廷臣植黨聞體仁言輒稱善而執政皆言謙益無罪吏科都給事中章允儒爭尤力且言體仁熱中失望如謙益當糾何俟今日體仁曰前此謙益皆聞曹令者糾之正為朝廷慎用人耳如允儒言乃真黨也允儒曰黨之說小人以陷君子天啟朝可鑒帝怒命禮部進千秋卷責謙益謙益引罪帝嘆曰微體仁朕幾誤遂叱允儒下獄並切責諸大臣時大臣無助體仁者獨延儒奏曰會推名雖公主持者止一

通珠不思科目
重關名器幾緣
干進犯即宜懲
設如所言則謙
益或不與枚卜
竟可不加窮治
而末僚散秩皆
可聽其公行舞
弊乎如此閃爍
支離莊烈高深
信而亟賞之甚
矣其蔽也

二人餘皆不敢言即言徒取禍耳且千秋自有成案

不必復問帝乃即日罷謙益官議罪

坐杖論贖

允儒及給

事中瞿式耜

字起田常熟人

御史房可壯

益都人

等皆坐謙益

黨降謫有差

千秋復逮問荷校死

十二月韓爌復入閣

先是五月詔遣行人召爌及是始至會帝以錢謙益

事悉置廷推者不用遂命爌復為首輔

時劉鴻訓方被重譴爌至

即疏救不聽溫體仁既許錢謙益御史毛九華任贊化亦疏評體仁帝再召內閣九卿質之體仁力詆九

華贊化為譙益私黨帝以為然秉燭召燭等于內殿
謂進言者不憂國而植黨當重繩以法燭退具揭言
人臣不可以黨事君人君亦不可以黨疑臣但當論
其才品臧否職業修廢而黜陟之若戈矛矣起于朝
堂吟域橫分于官府非國之福也不
納毛九華掖縣人任贊化聞喜人

陝西饑流賊大起

流賊始此

先是關黨喬任甲巡撫陝西朱童蒙巡撫延綏皆貪
黷不恤民又連歲大祲白水賊王二府谷賊王嘉允
宜川賊王左掛等一時並起攻城堡殺官吏安塞馬
賊高迎祥自稱闖王饑民王大梁自稱大梁王聚眾應

之三邊饑軍亦羣起為盜大吏惡聞賊曰此饑氓徐

自定耳已而帝從給事中劉懋

臨潼人

議裁驛站冗卒

事在明年

山陝游民仰驛糈者無所得食皆從賊

已巳二年春正月周道登罷

道登嘗召對帝問宰相須用讀書人何解對曰容臣

至關中檢閱回奏帝有愠色又問章奏內多有情面

二字何也對曰情面者面情之謂左右皆匿笑道登

前在禮部多有爭執及柄政後排正人庇私交屢為

言路所劾帝悉下其章廷議尚書王永光等言所劾有據遂放歸

三月定逆案

韓爌等受詔審定爌書自當持正群劾俾奸徒不至漏網乃始則托言不知內侍譚復以法非所習為詞而王永光亦以不諳刑名自諉曾不計逆黨之朋謀害政實闕法所難寬顧以廣搜

詔定魏忠賢逆案閣臣韓爌等不欲廣搜樹怨列上者少帝不懌令以贊導擁戴頌美諂附為目因曰忠賢一內豎耳苟非外廷助虐何遽至此且內廷同惡者亦當入廣等以不知內侍為對帝曰豈皆不知特畏任怨耳閱日召入便殿案有布囊盛章奏甚夥指

樹怨為虞而甘為之容私曲徇其心豈可復問至喬允升等所定之案雖若羅列無遺然其擬服上刑者類皆已經正辟之人而擁戴僅止荷戈謁附亦聚從城旦所坐失倫究不免于陰行庇護以懲奸重事而諸臣瞻顧遲迴竟不克持明允以昭炯戒

之曰此皆奸黨頌疏可按名悉入贖等知帝意不可回乃曰臣等職在調旨三尺法非所習帝召吏部尚書王永光問之以不習刑名為對召刑部尚書喬允升左都御史曹于汴同審定于是案所羅列幾無脫至是上之帝親加裁定自魏賢忠客氏依謀反大逆律磔死外以六等定罪曰首逆同謀崔呈秀及魏良卿侯國興等六人俱立斬曰交接近侍劉志選梁夢環倪文煥許顯純等十九人俱斬秋後處決曰交接

明季朝臣積習
頑壞于此可見
安得不淪于亡

近侍次等魏廣微周應秋閻鳴泰楊維垣等十一人
及孽魏志德等三十五人俱充軍曰諛附擁戴太監
李實等十五人亦俱充軍曰交接近侍又次等顧秉
謙馮銓王紹徽等一百二十八人俱坐徒三年贖為
民曰交結近侍減等黃立極等四十四人俱革職閒
住又于諸人姓名下各注所犯刊布中外知之

方案
初定

張瑞圖來宗道及賈繼春皆不與帝召見閣臣及允
升于汴平平臺詰之聞臣等以瑞圖宗道無實狀對
帝曰瑞圖工書為忠賢所愛宗道為崔呈秀父請恤
典中有在天之靈語非實狀邪又問繼春對曰繼春

莊烈承天啟廢弛之後力為整頓尚有志于明作有為但其燭理不明加以多疑偏執往往于瑣屑處委曲推尋小過或偶見搜求巨惡轉任其朦朧所以賢奸雜進刑罰重方暮改朝更迄

雖反覆然持論亦有可取帝曰惟反覆故為真小人三人遂俱論徒

以楊鶴

字修齡武陵人

總督三邊軍務捕流賊

鶴初官僉都御史忤魏忠賢罷去帝即位復官進左

副都御史

上言自大兵大疫加派頻仍小民之元氣傷迫左黔蜀疫師失律封疆之元氣傷縉

紳構黨彼此相傾逆黨乘之誅鋤善類士大夫之元氣傷譬如重病初起百脈未調風邪易入急當培養而陛下事事屬精臨軒而質或問之而未必盡知事下六曹或呼之而未必立應致干聖怒數取譴訶竊以為過矣今一切民生國計吏治邊防宜取祖宗成法委任責成嚴為之程寬為之地圖之以漸鎮之以靜何慮不臻
太平哉報聞
關中寇熾總督缺人乃拜鶴兵部尚書

無定見其受病不在精察之有餘而在英斷之不足楊鶴乃托培養元氣為名轉以事事屬精為太過實為謬妄是不過懼大權在上不能運所款為遂不顧其詞之害理果如所請依成法而委任責成則必至高拱撫為而後已視神意覆轍又何以異

總督軍務討賊先是王大梁由畧陽逼漢中餘賊犯

洛川淳化等十餘州縣固原逃兵周大旺等掠涇陽

富平及鶴至商洛道叅政劉應遇已先擊斬王二于

白水又追斬大梁于漢南

餘衆逃入山中職之幾盡

督糧道叅議洪

承疇

泉州南安人

亦擊破王左掛

幾擒之會雷雨遁去

副將賀虎臣

保定人

捕斬周大旺等賊渠多就誅滅鶴不能撫綏于

是繼起者益衆延安榆林間隨處皆賊

故事總督大臣率川邊撫

知兵者鶴素不膺軍旅之任廟堂遽用之備禦防畧策知為計後遂一意主撫致敗

夏五月乙酉朔日食

帝以日食失驗欲罪臺官

時大統歷推食三分二十
四秒回回歷推食五分五

十二秒徐光啟依西法預推順天府食二分有奇應
天食六分有奇瓊川食既大寧以北不食至期光啟
法驗大統回回歷皆疏回回歷出西域
洪武中置科隸欽天監與大統法參用禮部尚書

徐光啟言臺官測候本郭守敬法元時嘗當食不食

無怪今日之失宜及時修治參用西法

光啟以歲差
環轉歲實參

差天有緯度地有經度列宿有本行月五星有本輪
日月有真會視會皆古所未聞惟西法有之宜取其
歷法參互考訂與
大統法會同歸一從之詔西洋人龍華民推步光啟

為監督

華民卒更微湯若望代之

西法之行自此始

西洋新法其初大約與回

回歷相同周天三百六十度度六十分分六十秒一日十二時時八刻刻十五分有閏日無閏月迨八中

國又通融中法始須置閏月之類窮推詳測益加精密于是授時大統之說漸興

六月袁崇煥殺總兵官毛文龍于雙島

在今奉天府寧海縣西南海中

崇煥素不善文龍大學士錢龍錫以崇煥召對時有

五年後遼語因造寓詢方畧崇煥曰恢復當自東江

始文龍可用則用之不可用則處之易易耳比崇煥

蒞鎮文龍來謁接以賓禮文龍不讓崇煥益不悅遂決

意誅之至是以閔兵為名泛海抵雙島文龍來會崇
煥與相燕飲每至夜分文龍不覺也崇煥議更營制
設監司文龍怫然崇煥以歸鄉動之文龍曰向有此
意但惟我知東事東事畢朝鮮衰弱可襲而有也崇
煥滋不懌遂以六月五日邀文龍觀將士射先設幄
山上令叅將謝尚政等伏甲士幄外文龍至其部卒不
得上崇煥曰予詰朝行公當海外重寄受予一拜
拜畢登山因詰文龍違令數事文龍抗辨崇煥厲聲

袁崇煥雖稍有才略而粗率自用前此平臺召對已為大言不慚至毛文龍雖惴惴不馴初未顯然跋扈崇煥即欲加裁制要自有控馭之方縱罪在當誅亦

叱之命去冠帶繫縛文龍猶倔强崇煥數以十二罪當斬數畢文龍不能言但叩頭乞免崇煥召諭其從官曰文龍罪狀當斬否皆惶怖唯唯中有稱文龍數年勞苦者崇煥叱退之乃頓首請旨出尚方劍斬文龍于帳前然後出諭其部卒曰誅止文龍餘無罪皆不敢動分其兵為四協以文龍子承祚及副將陳繼盛等領之遂還具狀上帝驟聞意殊駭既念文龍已死方任崇煥乃優旨褒答崇煥又上言東江不能

應請命于上乃以禮節微嫌輒行誘殺其專擅之罪較張浚之殺曲端為更甚莊烈既心駭其事非但不加責備轉用優旨報聞竇牟馭將之體即因違事奏任方切亦何至廢法濫恩若此且崇煥于東江重鎮不復議置帥臣致島衆益孤劉興治遂據

更置師即以副將繼盛帥之于計便又慮部下為變

請增餉銀至十八萬帝皆報可自文龍專閩海外前

後章奏或多虛張失實部下健兒勁卒不下二萬餘

崇煥恐其跋扈難制故必欲殺之然東江屹然巨鎮

自文龍死勢日衰弱且島弁失主師心漸攜益不可

用其後致有叛去者

明年參將劉興治殺陳繼盛等十一人以叛

秋八月總督雲貴川湖廣西軍務朱燮元平水西蠻

先是王三善遇害貴州官軍屢為安邦彥所敗廷議

以滋亂而慮卻
下為變即請增
給餉銀雖後此
魏呈潤論秦終
不能除虛糜之
弊崇煥之措置
非方大畧可知
莊烈惡為報可
而不復加籌度
其優柔自悞更
可概見矣

以川師不協助宜令一人統之

時蔡復一為貴州總督但轄雲貴湖廣而

不及四川復一嘗遣總理魯欽

撫織金賊巢壘山開

道攀藤穿竇而入斬首千餘級窮搜不得邗彥而還

復一以都境不協討致賊未滅請救四川出兵為犄

角詔可之己而欽為賊所乘兵潰復一自劾遂罷去

蔡復一字敬夫同安人魯欽長清人

乃晉燮元兵部尚書總督五省

軍駐遵義

市在天啟五年

明年燮元賂賊黨殺奢寅

寅以淫日甚有

阿引者受燮元金乘寅醉殺之

崇明年老無能為邗彥亦乞撫燮元

聞于朝詐之未幾燮元以父喪去賊復熾帝元年起

燮元故官兼撫貴州至是燮元徵雲南兵下烏撒四

川兵永寧下畢節而自率大兵駐陸廣逼大方貴州

總兵許成名由永寧復赤水

明衛在大定府畢節縣西與四川叙永廳接界

以赤水河名今廢

邦彥與崇明合衆十餘萬來攻變元令成

名佯退誘賊而遣兵三路搗其巢四川總兵侯良柱

字朝石永寧衛人

副使劉可訓

澧州人

遇賊于永寧與成名合擊

大破之斬崇明邦彥俘數十人積年巨寇始盡

自崇

明邦彥相繼作亂雲貴諸苗出沒為患副使朱家民與許成名等討平盤江以外諸蠻相度要害築城置

戍廬井畢備道涂晏然又以盤江居雲貴交兩岸壁立水深無底廣三十餘丈乃仿瀾滄橋制置鐵索鐵

柱橫木為板橋建度樓築月城以護之遂為永利
朱家民字同人曲靖人盤江注見前盤江橋在南籠

府安南縣東
亦曰鐵索橋

冬十一月我

大清兵下遵化

我

太宗文皇帝親督大軍入龍井關以蒙古喀爾沁台吉布爾

噶圖曾受賞入邊用為嚮導遂攻克洪山口

在遵化州少北

東有別將克大安口

在遵化州西北亦有關城

會于遵化山海關

總兵官趙率教入援戰死全軍覆沒

率教馳抵三屯營總兵朱國彥

不令入遂戰死

已城將破國彥冠帶西向稽首與妻張氏並投繯死三屯營在遵化州東今設副將駐

守

巡撫王元雅

太原人

及保定推官李獻明

時獻明以察核

官庫在城或曰此邑非君所轄去無罪獻明正色曰莫非王土安敢見危避難獻明字思皇壽光人

永平推官何天球

廣東人理

遵化知縣徐澤

字兄若襄陽人

前任知縣武起潛

字用潛進賢人

等憑城拒守城破皆死之

教諭曲毓齡中軍彭文炳守備徐聯芳並死焉

太宗文皇帝嘉元雅忠命賜棺殮閱日燕京始得報帝召見

廷臣于平臺諮方畧侍郎周延儒言本兵備禦疎忽

調度乖張檢討項煜

秀水人

繼之且曰世宗斬一丁汝

夔將士震悚疆敵宵遁帝頷之遂下尚書王洽

臨池人

于獄

洽雅負時望而應變非所長帝方惡廷臣玩愒故于洽不少貸未幾竟瘐死

以成基命為禮部尚書兼東閣大學士預機務召孫承宗復為兵部尚書兼中極殿大學士視師通州

基命請速召還故輔承宗任以兵事帝然之乃即命基命入閣而立召承宗至入對具陳方畧帝稱善曰

卿且為朕保護京師承宗出漏下二十刻矣即周閱

都城五鼓而畢復出閱重城明日夜半忽傳旨守通

州時烽火徧郊承宗從二十七騎疾馳抵通州門者

幾不納既入城與保定巡撫解經傳

韓城人

御史方大

人

桐城人

總兵官楊國棟登陴固守而以間復馬蘭

在遵

化州西北有關城今為馬家鎮設總兵官

三屯二城

總兵官滿桂督師袁崇煥先後入援

時

大清兵越薊州而西徇三河擊走宣大援兵遂下順義

我

太宗文皇帝命傳諭各城

諭曰爾國底業赫而戕害我大恨有七我知終不相容告

天興師
天直我

國賜我河東地我

太祖皇帝猶願和好爾國不從
天又賜我河西地我復累次願和而爾主頻加欺陵故今日

興師而來順者撫逆者誅天運循環得
天者興人豈能為非我恃強逞兵也 因進軍薄京

城營于城北土城關之東總兵官滿柱入援以五十

騎先至屯德勝門外

大兵至桂進戰城上發大礮佐之誤傷桂軍桂亦負傷
帝遣中官勞以羊酒令入休甕城崇煥聞警即帥祖
大壽何可綱等入衛所過諸城皆留兵以守既至京
師帝甚喜命盡統諸道援軍與桂大壽俱召見平臺
慰勞備至崇煥請入城休兵不許請屯兵外城如滿
桂例亦不許

詔天下鎮巡官勤王

于是宣大總督及宣府保定河南山東山西各巡撫

皆奏帥師入衛詔應天陝西鳳陽鄖陽浙江巡撫俱

勤王

已而山西援兵潰于良鄉逮巡撫耿如杞總兵官張鵬功下獄

十二月下督師袁崇煥于獄總兵官祖大壽擁衆奔出

外關

初崇煥嘗建議請和欲藉此援師以修理故疆我

大清方有事朝鮮亦欲假是以阻其兵因得一意東討

乃遣使以書相往來已而崇煥奉旨戒諭言路亦以

為非計事尋止

後崇煥復以書詢錢龍錫龍錫亦沮之及

大清兵深入所破隘口皆薊遼總督劉策

字范董所轄武定人

崇煥千里赴援自謂有功無罪然都人驟遭兵怨謗紛起謂崇煥擁兵坐視朝士因前通和議誣其召兵脅和將為城下之盟帝頗聞之不能無惑會崇煥營沙窩門外伏兵隘口我

大軍分道夾擊盡殲之崇煥復移營城東南隅豎立柵木

大軍列陣逼營不戰而還會我

大清設間令所獲宦官知之

時大軍先獲明宦官二人令副將高鴻中等守之

及是鴻中等承
太宗文皇帝密計于二宦官前作耳語于今日撤兵乃

上計也頃見
上單騎向敵敵有二人來見語良久乃去意表巡撫有密約

事可立就矣時楊太監者佯卧竊聽悉志其言遂陰縱使去其人奔告于帝帝遂

信之不疑召見崇煥及大壽于平臺詰崇煥以殺毛

文龍故且責其援兵逗遛縛付詔獄成基命叩頭請

慎重者再帝曰慎重即因循何益基命復叩頭曰兵

臨城下非他時比帝不省大壽在旁股慄懼并誅出

即與何可綱擁衆東走毀山海關去遠近大震大壽

先嘗坐事當死賴崇煥救免基命言于帝就獄中取

崇煥手書招之督師孫承宗亦遣馬世龍追撫

世龍先以

罪繫獄時已釋
出立功自効

密令上章自列且立功贖督師罪大

壽如其言帝優旨答之命承宗移鎮關門大壽斂兵

待命

可綱
亦歸

我

大清兵薄永定門武經畧滿桂及總兵官孫祖壽

字必之
昌平人

俱戰歿

我

大清兵既薄京城諸貝勒大臣等咸請進攻

太宗文皇帝不許兩遣使齎書議和遂自德勝門移營南苑

已而分兵下固安克良鄉知縣党還醇

字于貞三原人

死之

教諭安上達訓導李廷表典史史之棟驛丞楊其禮皆死焉

回軍至盧溝橋副總

兵申甫結車營以拒

大清兵繞出其後盡殲之

申甫者僧也好談兵私製戰車火器庶吉士金聲薦之帝

立名見取其車入覽即擢副總兵令募新軍改聲御
火監之甫倉卒召募皆市井游手軍裝戎器又不時
給及戰御車者皆惶懼不能轉殲戮殆
盡甫亦陣亡 金聲字正希休寧人遂南薄永定

門時以表崇煥下獄特設文武兩經畧以尚書梁廷

棟

鄢陵人

及滿桂為之屯西直安定二門帝趣桂出師

桂言衆寡勢殊未可輕戰中使趣之急不得已乃督

孫祖壽等移營南城外二里許立柵以待明日昧爽

大清以精騎四面威之桂及祖壽等戰不支遂俱歿京

師大震

時帝不視朝傳旨辦布囊八百中官競獻馬
騾又令百官進馬順天府尹劉宗周曰是必

有以遷幸動上者乃疏言國勢強弱視人心安危乞
延見百僚諭以固守外無待計俯伏待報自晨迄暮
中宮傳旨乃退
宗周字起東山陰人

錢龍錫罷

錢龍錫阻抑邪
黨其立身尚有

可稱至表崇煥
擅殺呂坤豈關

龍錫主謀且當
時尚未罪擅殺

之人顧事後輒
因過寓一言坐

局外者以法蹤
指示豈為平允

奸人借端抨擊
伎倆往往如斯

御史高捷

寧晉人

史堃

清苑人

本關黨王永光引用之頗

為龍錫所扼兩人因是大恨方表崇煥之殺毛文龍

也報疏有輔臣龍錫為此一事低徊過臣寓語而崇

煥欲成和議又嘗以書商于龍錫及是崇煥已下獄

捷堃遂上言以通款殺將皆龍錫發蹤指示宜與崇

莊烈始猶戒勿苛求迨再疏力攻遂不免意移色動放還未久逮繫旋加幾至沉寃西市前此熊廷弼之獄楊左皆坐以慘毒殞身莊烈豈無間見何廖小致尤羅織竟不加深察耶

煥並罪帝以龍錫忠慎戒無過求龍錫抗章申辨捷塗再疏力攻詞益危切帝意頗動龍錫再辨引疾乃即放歸時兵事方棘未暇竟也

以周廷儒何如寵錢象坤

字宏載會稽人

並為禮部尚書兼東

閣大學士預機務

廷儒性機警並伺意指以會推不預與溫體仁比數為言者所劾帝不聽特命入閣時都人禁黠者請以私財聚眾助官軍如寵力言其叵測會帝得偵事者

報與如寵言合由是受知象坤奉命守城祁寒不懈
帝覘知之遂並命入閣

庚午三年春正月韓爌罷

中書舍人加尚寶卿原抱奇故由輸
貲進以爌為袁崇煥

座主遂合廣主和誤國宜與錢龍錫並罷帝重去爌

貶抱奇秩無何庶子丁進上虞人以遷擢愆期怨爌亦

劾之而工部主事李逢申上海人劾疏復繼上爌三疏

引疾歸爌先後作相老成慎重引正人抑邪黨天下
稱其賢初熊廷弼既死傳首九邊屍不得歸

莖後其子詣闕疏詣煥言于帝曰廷弼之死由逆閹
欲殺楊連左先斗誣以行賄因盡殺連等復懸坐廷
弼賊銀刑及妻孥此寃
之甚者帝乃許收莖

兵部侍郎劉之綸

字元誠
宜省人

引兵至遵化敗歿

之綸以庶吉士上書陳方畧帝壯之會金聲薦其才
帝即召見奏對稱旨超擢兵部侍郎協理京營戎政
之綸未受任時已貨數百金製木為西洋大小礮又
製獨輪火車偏廂車獸車皆輕捷利用而所請弓矢
器甲主者不以時應所招死士又不得衣裝賞犒費



之綸以為言且請精兵一萬為進取計帝亦不能盡從時滿桂方戰歿朝廷大震之綸冒風雪誓師前進越通州而東

大清兵亦已由通州東渡克香河進拔永平

副使鄭國昌自縊死

知府張鳳奇推官盧成功教諭趙允殖副總兵焦延慶指揮張國翰守開程應璚皆死而鄉官廖汝欽及武舉唐之俊等死者復數十人援兵皆觀望獨之綸鄭國昌鄆州人張鳳奇曲陽人

奮前約總兵官馬世龍吳自勉趙永平牽制而親率所部直抵遵化距城八里屯娘娘廟山世龍等違約

大清以三萬騎迎戰兵交之綸發火礮頗有所擊傷再發則礮炸軍亂左右請結陣徐退之綸慨然曰吾受天子厚恩誓捐軀以報戰不捷死耳敢言退者斬乃再戰自辰至酉士殊死力關矢盡短兵接之綸知不可為大呼曰死死負天子恩解佩印付家人曰持此歸報朝廷俄身被兩矢遂死全軍盡歿世龍等在薊州竟擁兵不救

二月立子慈娘為皇太子

三月李標罷

標在閣稍久頗能隨事匡益然時方爭門戶帝亦深

疑朝臣有黨遂連疏乞休去

家居五年卒贈少傅謚文節

夏五月我

大清兵東歸

先是我

大清兵既取遵化永平復拔遷安灤州

知州楊燧死之

皆留兵

守之遂分兵向山海關守將官惟賢力戰乃還攻撫

寧昌黎皆不下當是時京師道梗孫承宗祖大壽在東馬世龍及四方援軍在西承宗募死士沿海達京

師始知關城尚無恙承宗遣將戍關平

營名在灤州西南與豐潤

縣接界明永樂初移關平衛于此

復建昌

營名今改路在遷安縣東北有城

聲援方

接我

大清復遺書議和遂旋師取道冷口

關名在遷安縣東北

而歸承

宗始復四城

先取灤州尋復遷安遂入永平復遵化

六月流賊陷府谷

明代怯于用兵
每視招撫為畏
策正德間馬中
錫奏園之事前
鑒不遠至流賊
四起伏莽漸多
楊鶴受命勦除
不能迅加剪滅

先是陝西五鎮兵入援延綏兵中道逃歸甘肅兵譁而懼誅皆合于賊巡撫張夢鯨憂憤死詔以洪承疇代之起前總兵官杜文煥督延綏固原兵便宜討賊時王左掛等方攻宜川為官軍所威文煥檄諭之左掛及其黨王子順苗美等皆請降獨王嘉允不受撫其別賊從神木渡河入山西陷蒲縣

以下注
俱見前

分道東

犯趙城洞洪汾西及霍西掠石樓永和吉陽及是嘉

允襲破黃甫川清水木瓜三堡遂陷府谷據其城總

顧一味主撫事
皆諱匿不言已
重負委任迨賊
來詭稱降順既
不審虛實之情
又漫無制馭之
法但于城樓設
座立誓山呼事
同兒戲使羣寇
蔑視官兵以致
難清日深寢成
大患其後陳奇
瑜熊文燦等復
踵其謀賊勢燎
延海內遂無寧
宇雖務苟安而

督楊鶴方主撫匿不奏遣官四出招賊于是賊黨王

虎小紅狼一丈青掠地虎混江龍等並就撫給免死

牌安置延綏河曲間雖不焚殺而淫掠如故又有神

一元不沾泥可天飛郝臨菴紅軍友點燈子李老柴

混天猴

本名張應金

獨行狼諸賊所在蠶起官軍東西奔

擊旋撲旋熾終莫能盡而延安賊張獻忠

膚施縣柳樹澗人嘗

從軍隸延綏總兵王威麾下犯法當斬他

將陳洪範奇其狀貌請釋之已乃逃去

亦聚眾據

十八寨稱八大王已而降賊王左掛謀以綏德叛承

昧決勝當時積
習相沿迷而不
悟而鶴實縱寇
之尤也

疇誅之尋又與文煥等破獻忠于清澗獻忠遁去

以禮部尚書溫體仁吳宗達

武進人中行從子

並兼東閣大學

士預機務

體仁以訐錢謙益為時論所惡多發其陰事

或言體仁嘗通

賂崔呈秀杭州建逆祠體仁作詩贈魏忠賢又或言體仁娶娼受金奪人產

帝愈信體仁

無黨周延儒復援之遂與宗達並入閣

秋八月礫前督師尚書袁崇煥逮前文淵閣大學士錢

龍錫下獄尋遣戍

史堃疏言龍錫主張崇煥賣國欺君秦檜莫過其出都時以

崇煥所昇重賄轉寄姻家巧為營脫帝怒勅刑官五日內

具獄獻上以斬帥為崇煥擅殺議和則龍錫未許帝召諭

廷臣于平臺置崇煥極刑

籍其家無餘貲天下冤之

逮龍錫下獄令廷

臣議罪時羣小麗名逆案者方日為翻案計堃等以龍錫

故附東林欲借崇煥以及龍錫因龍錫以及諸異己者指

崇煥為逆首龍錫等為逆黨更立一逆案與前案偶謀既定

溫體仁王永光主之欲發自兵部尚書梁廷棟憚帝英明不

敢任而止乃議龍錫大辟決不待時且用夏言故事設廠西以

待帝以龍錫無逆謀令長繫中允黃道周

字幼平
漳浦人

復上疏申救

道周忤旨貶秩調

外而帝頗感動

久之帝意亦寢解乃減死戍定海衛

冬十二月增田賦

兵部尚書梁廷棟以兵食不足疏言民窮之故惟在

官貪使貪風一息即再加派民亦懽然帝命戶部協

議尚書畢自嚴請畝加三釐于是增百六十五萬有

奇合舊所增凡六百八十餘萬海內愁怨明年給事

民窮起于官貪
廷棟所言不為
無見然未聞懲
官貪而先加派
民之顛頓轉深
所為懽然者安
在蓋明季耗敝
之由自神宗礦
稅征求日殷月
削時閭數朝物

力更無留餘之地及莊烈時大兵大疫元氣已竭盡無遺又軍興日增轉餉日絀難藉口醫瘡并無可剝之肉即極允呈潤之疏未必有濟况并此不能用乎

中魏呈潤

字中嚴龍溪人

疏言驛站所裁未足充餉十一而

郵傳益困勢必再編之于民山海關中外兵舊額十

八萬今只十萬八千合薊門援兵非溢原額而餉乃

日增不可不稽撫按諸臣捐貲助餉大率索之于民

不可不禁帝不能用

辛未四年春正月延綏兵遣御史吳姓

字鹿友興化人

賑之

秦游饑至是大祲

山西以防河開難斗米值銀六錢米脂清潤延長綏德之民流亡從

賊者十之七邑幾空

帝特發帑金十萬命姓往賑且撫因荒從

賊者姓用西安推官吏可法

字憲之大興人

如詔書從事人

便之

三月賊神一魁等請降楊鶴受之一魁尋叛

先是神一元陷保安副總兵張應昌等敗之一元死

弟一魁領其衆圍慶陽隘合水

唐縣今屬慶陽府

鶴聞移駐

寧州一魁求撫別賊金翅鵬過天星獨頭虎上天龍

等亦先後降鶴設御座于城樓賊跪拜呼萬歲因宣

聖諭令設誓或歸伍或歸農賊佯許之立赦其罪鶴

以一魁最強致其壻帳中與同卧起一魁果至數以
十罪一魁伏謝即宣詔赦之處其衆于寧塞鶴以賊
黨茹成名桀驁令一魁所善劉金誘誅之其黨懼復
挾一魁以叛而別賊李老柴田近菴等攻陷中部上
天龍獨行狼等復掠鄜州勢大熾

一魁後為張應昌
部將所獲誅死

夏四月旱

敕羣臣修省

六月副總兵曹文詔

大同人

敗賊于河曲

自秦寇初起延綏以北為逃軍為邊盜延綏以南為

土寇為饑民邊盜則王嘉允土寇則王左掛為羣賊

魁已而左掛伏誅嘉允復敗

嘉允自黃甫川勾西人入犯洪承疇林文煥聲

破竄而入晉

山西自河曲至清津千五百里與秦中接壤河身最狹賊渡河往來倏忽無定

久據河曲文詔絕其餉道困之嘉允遁去已復自岳

陽突犯澤潞為左右所殺其黨共推王自用號紫金

梁者為首自用結羣賊老徊徊曹操八金剛掃地王

射塌天闖正虎滿天星破甲錐邢紅狼蝎子塊混世

王等及高迎祥張獻忠皆聚山西而上天龍過天星

亦來會共三十六營衆二十餘萬米脂人李自成

世居李縣

遷寨劫牧羊長充驛夫善騎射關狼無賴數犯法知縣晏子賓將置諸死為屠

迎祥甥也偕

兄子過往依之號閭將與獻忠等合

錢象坤罷

象坤溫體仁門生也體仁入遂讓而處其下然無所

附和及是御史水佳允

郭縣人

劾兵部尚書梁廷棟廷

棟不待旨即奏辦廷棟故出象坤門佳允疑象坤洩

之語侵象坤周延儒惡廷棟並惡象坤象坤遂引疾
歸廷棟落職

秋八月我

大清兵圍大凌城

遼東巡撫邱禾嘉

貴州新
淦衛人

議築廣寧義州右屯三城孫

承宗謂廣寧道遠當先據右屯築城大凌河以漸而
退遂以七月興工築甫竣我

大清兵已抵城下掘濠樹柵四面合衛別遣一軍截錦

州大道城外堠臺皆下城中兵出悉敗還禾嘉聞之

與總兵官吳襄

遼東中後所人

宋偉合軍赴援敗還復夜渡

小凌河次長山

在錦州府錦縣東南峯巒綿亘四山錯列因名

連戰大潰監

軍道張春

字泰字同州人

及副將祖大樂等被執諸將張吉

甫等戰歿總兵官祖大壽堅守不敢出城援自此絕

至冬大凌糧盡食人馬

大清屢移書招之大壽許諾副將何可綱不從大壽遂

殺可綱與副將張存仁等降于我

大清大壽言妻子在錦州請歸設計誘降守者遂衆歸
大壽入錦州未得間而未嘉知其納款狀具奏聞于
朝帝于大壽欲羈縻之弗究也張春見執輸降不屈
久之乃死

何如寵罷

如寵官禮部時貧宗婚嫁格于有司者千餘人用如
寵言獲婚姻者過千帝欲族袁崇煥以如寵言得免及
入閣為周延儒溫體仁所扼連疏乞罷歸久之卒

九月復遣中官王應朝等監視諸邊軍餉張爇憲總理

戶工二部

帝初盡撤鎮守中官委任大臣既見廷臣競門戶不足倚乃復遣王應朝鄧希詔等監視關寧宣大山西軍馬以彛憲有心計令鈎校戶工二部如涂文輔故事

文輔魏忠賢黨天啟中總督太倉節慎二庫名其署曰戶工總部

吏部尚書閔洪

學

烏程人珪曾孫

率延臣力爭帝曰諸臣若殫心為國朕亦

何藉內臣衆不能對然諸監率多侵剋軍貲臨陣先走戎務益壞

下楊鶴獄遣戍以洪承疇總督三邊軍務

御史謝三賓

鄆縣人

及巡按御史吳姓劾鶴主撫誤國

逮下獄戍袁州以承疇代

冬十月辛丑朔日食

十二月孫承宗罷

長山之敗言者論禾嘉及承宗築城起釁承宗遂引

疾歸

禾嘉先已調南京太僕卿遂還京引疾歸

閏月登州遊擊孔有德等反

有德與耿仲明李九成皆毛文龍部曲文龍死走入

登州登萊巡撫孫元化

字初陽嘉定縣人

官遼久

孫承宗表崇煥俱辟

為贊畫以前兵備推巡撫

素言遼人可用乃以有德仲明為遊擊

九成亦為偏裨大凌圍急元化遣有德等赴援抵吳

橋天大雨雪眾無所得食一卒與諸生角有德笞之

眾大譁九成先賞銀市馬塞上用盡無以還適至聞

眾怨遂與其子應元帥部卒刳有德有德從之還兵

大掠陷陵縣臨邑商河殘齊東圍德平既而舍去陷

青城

元縣今屬武定府

新城

亦元縣今屬濟南府

而新城受禍尤酷

知縣

秦三甫訓導王協中禦之並死初新城邑紳王象春有莊在吳橋有德屯兵其地卒或搜難犬以食王氏

子怒訴之有德笞卒以徇遂以激變及賊至新城以釁由王氏焚殺甚慘秦三輔三原人山東

巡撫余大成

江寧人

聞變遣兵往禦連敗乃移兵追賊

而元化軍亦至與大成皆力主撫檄賊所過郡縣無

邀擊于是賊佯許元化降遂抵登州元化遣將張燾

率遼兵駐城外總兵官張可大

字觀甫世襲南京羽林衛指揮發南

兵拒賊戰方勝燾遽退可大兵遂敗燾兵半降賊

亂兵鼓譟乃法所必誅即其捲甲還趨亦因本無巢窟可恃余大成孫元化苟能出兵夾擊自可指顧成擒乃竟狃于招撫之謀檄所過勿行邀截使其從容直抵登州重城遽陷及劉宇烈

督師進討復以
撫議為賊所惡
致某郡旋被攻
圍竟不敢加遺
一矢比元化等
相繼遠泊朱大
典一惡進兵不
數月間悉蠲蕩
定可知叛卒揭
竿倡亂本易剪
除其得以拒守
經年實由于將
兵者之遲疑不
進勦撫成故即
此了然彼欲懸
心示以招賊者

遣歸為內應士民爭請弗容入元化不從中軍耿仲

明都司陳光福等夕舉火導賊自東門入城遂陷

在事

明年元化自刎不殊與同城各官俱執惟可大死之

殺其妾陳氏
自縊于署

有德乃推九成為主已次之仲明又次

之用巡撫關防檄州縣兵餉而令元化移書大成求

撫大成聞于朝為言官所劾帝革大成元化職候勘

元化尋為賊縱航海歸與大成俱下獄大成論戍元
化棄市元化故與徐光啟善光啟與周延儒圖執之

卒不
得

真不啻如夢
笑矣

壬申五年春正月延綏賊陷宜君鄜州

先是降賊夜襲甘泉河西道張允登

漢川人

遇害

允登與知

縣郭永固嬰城拒守城陷俱死之

及是混天猴偽為米商至宜君知

縣不知聽之入城遂陷尋復陷鄜州兵備僉事郭應

饗死之時曹文詔方于稷山擊斬點燈子

即趙四兒名勝往來

秦晉沿河川縣進犯沁水之寶莊莊有城故殉難副使張銓里居也時銓于道洛道澤皆官京師衆將棄去銓妻霍氏曰避賊而出家不保出而遇賊身不保等死死于家不愈死于野乎躬率僮僕共守殺賊甚衆賊不能克而退冀北道王肇生表曰夫人城點燈子尋為文詔所敗遁去被獲伏誅

師還擢

臨洮總兵官乃與巡撫練國事

字君豫永城人

總兵官楊嘉

謨等分道擊賊

混大雅尋為守備馬科部卒所斬

夏五月以禮部尚書鄭以偉徐光啟並兼東閣大學士預機務

以偉讀書過目不忘而不能票擬章疏中有何況二字誤以為人名也擬旨提問帝駁改始悟自是詞臣為帝所輕遂諭館員須歷外僚而閣臣自是不專用翰林光啟雅負經濟才有志用世及入閣年已老周

延儒溫體仁專政不能有所建白

明年以傳光啟相繼卒御史以二人

蓋棺之日家無餘貲請優卹以愧貪墨以得諡文恪光啟得諡文定

六月京師大雨水

秋七月以太監曹化淳提督京營戎政

八月總兵官曹文詔等連敗賊于平涼慶陽

先是文詔與遊擊左光先等分勦綏德宜君清澗米脂諸賊皆大捷掃地王授首神一魁餘黨紅軍友等都司杜三楊老柴等屯鎮原將犯平涼巡撫練國事

檄甘肅兵楊嘉謨副將王性善扼之賊走慶陽文詔

從郿州間道至與嘉謨性善合大戰西濠

若名在平涼府鎮原縣

縣北斬千級生擒杜三楊老柴餘黨糾他賊破華亭

隋縣

今屬平涼府

攻莊浪

注見前

文詔嘉謨掩擊縱反間給其

黨殺紅軍友感敗之水落城

在平涼府莊浪縣東南金置縣于此原省

追

至靜寧州

注見前

賊奔據唐毛山

在延安府保安縣西北與慶陽府安化縣

接界遊擊曹變蛟

文詔從子

先登殄其衆至是可天飛郝臨

菴劉道江獨行狼李都司等連兵圍合水

注見前

文詔

往救賊匿精銳以千騎逆戰誘抵南原伏大起城上人驚疑相告曰將軍歿矣而文詔馳矛左右突匹

馬縈萬衆中諸軍望見夾擊賊大敗僵屍蔽野餘衆

走銅川橋

在安化縣西

大敗之越日文詔復與寧夏總兵

賀虎臣固原總兵楊騏破賊于甘泉之虎咒凹會總

督洪承疇師次平涼擊斬可天飛李都司降白廣恩

餘賊分竄者文詔追威之耀州錐子山其黨殺獨行

狼郝臨菴以降承疇戮四百人餘皆散遣關中巨寇

畧盡

文詔在陝大小數十戰巡撫范復粹論奏首功第一而洪承疇却不敘巡按御史吳姓推獎甚

至復粹復為上疏兵部抑其功卒不敘復粹登州府黃縣人

以朱大典

字廷之金華人

督軍討登萊賊

初余大成孫元化既論罪朝廷以余從治為山東巡

撫謝璉

字君實監利人

為登萊巡撫並駐萊州

詔先命璉駐萊州從治駐

青州調兵食從治以駐青不足鎮萊人心駐萊足際全齊命乃與璉並受事于萊

時賊先已

破黃縣

知縣吳世揚被執罵賊死世揚洛陽人

臨平渡

知州陳所聞拒守城破不屈死

所聞文安人

還益兵攻萊從治璉與總兵楊御蕃

聲萊子分

陴固守久之外圍日急諸援兵俱屯昌邑不敢進從
治時以間出兵掩擊頗有斬獲而兵部尚書熊明遇
惑撫議以主事張國臣為贊畫往撫諭從治毋遽出
兵壞撫局從治力言不可三上疏于朝語極切至朝
議以兩撫臣並困圍中乃議設總督以侍郎劉宇烈

綿竹人

任之統馬步軍二萬五千勢甚威而宇烈素無

籌畧日遣使講撫賊亦以撫愚之已而賊用元化所
製西洋大礮攻城從治中礮死萊城益圍越兩月璉

復為賊所誘出城被執

時萊城已圍六月賊偽約降期請文武出城開讀即解圍

去璉不得已與知府朱萬年同出獨御幕不往賊見璉伴叩頭涕泣據擁以去即攻城今萬年呼降萬年厲聲曰吾死矣汝等宜固守且呼御蕃急以大礮擊賊萬年遂遇害御蕃連發礮傷賊頗多賊稍退朱

萬年黎平人

于是舉朝痛憤詔逮字烈下獄罷尚書明遇

遂絕撫議罷總督及登萊巡撫不設專任大典督主

客兵數萬及關外勁旅四千八百餘人合勦之

總兵金國

奇副將斯固臣參將祖寬及前總兵吳襄子三桂皆屬焉

以中官高起潛監護軍

餉抵德州副將牟文綏馳救平度殺賊魁陳有時至

昌邑斬國臣祖寬為前鋒有德逆戰于沙河

有二一在黃縣

一在即墨下流俱入海

寬殊死鬪國臣繼之賊大敗諸軍乘勝

追至城下賊夜半東遁萊州圍解守者疑賊誘以礮

拒起潛遣中使入諭闔城相慶越日國奇等進兵黃

縣斬賊首萬三千俘八百有奇逃散及陞海死者無

算賊竄歸登州官軍築長圍守之

九月流賊連陷山西州縣

先是賊將高迎祥羅汝才

即曹

張獻忠等分道四出

連陷大寧隰州澤州壽陽諸州縣

與下注並見前

全晉震動

部議令宜大總督張宗衡

臨清人

駐平陽巡撫許鼎臣

武進人 駐汾州分地守禦已而李卑

字侍平榆林人

賀人龍

朱脂

人 艾萬年

朱脂人

將關中兵至鼎臣檄以自從宗衡怒

其不從已檄之還三將莫之適從賊乘間入據磨盤

山

一名連枝山在汾州府臨縣東

分其衆為三閻正虎據交城窺太

原邢紅狼上天龍據吳城

在汾州府孝義縣西南戰國時魏吳起為西河守將

此以拒秦因名 窺汾州紫金梁張獻忠突沁州武鄉陷遼州

癸酉六年春正月命曹文詔節制山陝諸將討賊

關中賊稍盡悉走入山西御史張震極言文詔威名

夙著今秦賊滅且盡宜勅令入晉協勦帝從之遂有

是命文詔東渡河抵霍州敗賊汾河孟縣追及于壽

陽巡撫許鼎臣遣謀士張宰先大軍嘗賊賊驚潰文

詔追擊之斬混世王餘黨為遊擊猛如虎

本塞外降人家榆林

遂走遇文詔兵于方山

在壽陽縣東北壁立千仞頂方一里有池周百步

復

敗五臺孟定襄壽陽賊盡平鼎臣令文詔軍平定備

太原東張應昌軍汾州備太原西文詔連敗賊太谷

范村榆社太原賊幾盡

已而文詔復破賊澤州又襲閭城斬賊千五百有奇紫金

梁老徊徊自榆社走武鄉過天星走高澤山文詔皆擊敗之賊避其鋒多流入河北

二月流賊犯畿南河北

賊自山西分道踰太行掠濟源清化

鎮名在懷慶府河內縣東北為

豫晉豫要地

修武為懷慶官軍擊之遁走別賊復闌入西

山大掠順德真定間大名兵備副使盧象昇

字建斗宜興人

力戰却之賊遂自邢臺摩天嶺

在彰德府武安縣西北與山西遼州接界

西下抵武安先是副將左良玉

字昆山
臨清人

敗賊于涉縣

之西陂及是與賊戰武安良玉大敗河北三府所屬

縣焚劫殆遍潞王

名常汝閭
王調鏐子

上疏告急詔遣總兵倪

寵王樸率京營兵六千赴河南而以中官楊進朝盧

九德等監諸將軍命曹文詔自山西移師會討文詔

敗賊懷慶賊其魁滾地龍又追破老獬于濟源而

諸將李昇艾萬年湯九州

石埭人

鄧玘

四川人

及良玉等

會文詔兵先後與賊戰皆勝之未幾帝勅諸將速平

曹文詔勇敢無前威名夙著關中山右勦賊屢著成績即其移師會討畿南亦每戰克捷諸將之足以當賊者實無出其右且

方勅以勉期平賊正宜聽其乘銳建功劉令譽乃以纖芥宿嫌撫詞妄劾實為挾私忘公部議又不權事理輕重輒因巡按一言移之他鎮致賊徒無所畏懼出入自如未幾而縱使渡河騷張益甚悔亦何及明季重文輕武以致宗社卽墟吁可怪矣

賊限以三月而文詔為巡撫御史劉令譽所劾調大

同總兵

初文詔在洪洞與里居御史劉令譽忤及是令譽按河南文詔與見語復相失令譽遂撫

他事劾之部議文詔怙勢而驕調之大同賊所憚惟文詔既去益無忌矣

官軍復登州山東平

登州城三面拒山一面拒海其北有水城與大城相

接開水門以通海舶賊恃此可走故不下及被圍久

李九成出城搏戰官軍馘之于陣賊渠五以殲其二

五人者李九成孔有德耿仲明毛永祿陳有時也有時先已就戮及是九成亦死

氣大沮至

是祖寬等奪其水門外護牆益大懼有德載子女財帛先出海仲明以單舸繼之皆遁官軍遂入大城攻水城不下遊擊劉良左獻轟城策匿人永福寺中穴

城置火藥發之城崩官軍遂入賊退保蓬萊閣

在府城北

丹崖山下臨海岸宋治平中建

朱大典招之始釋甲俘千餘人自縊

及投海死甚衆有德等走旅順島帥黃龍

遼東人

邀擊

擒毛承祿陳光福等斬九成子應元惟有德仲明逸

去乃獻承祿于朝磔之有德仲明俱降于我

大清

夏六月周延儒罷

延儒為首輔溫體仁欲奪其位務為柔佞取悅于帝
帝漸向之復曲謹以媚延儒而陰伺其隙延儒不知
也體仁與王永光欲起逆案王之臣呂純如帝以之
臣問延儒對曰用之臣亦可雪崔呈秀矣帝悟而止
體仁益大恨會延儒子弟家人暴邑中邑中民葬其
廬所用巡撫孫元化復陷登州于是言路交章劾延

儒並謂其受巨盜神一魁賄帝意頗動體仁復嗾給事中陳贊化劾延儒昵武弁李元功招搖罔利且謂延儒至謂陛下為義皇上人語悖逆帝大怒下元功

詔獄窮治延儒覲體仁為援體仁不應延儒大窘引疾

歸體仁遂為首輔

延儒既罷廷臣惡體仁當國勸帝復召何如寵如寵固辭給事中王

紹崇言君子小人不並立如寵瞻顧不前體仁宜思自處帝為謫紹崇于外如寵卒辭不入如寵操行恬

雅與物無競後卒福王時追謫文瑞

秋七月我

大清兵取旅順總兵官黃龍死之

孔有德耿仲明怒龍邀擊必欲報之會鴨綠江有警龍遣水師往援旅順空虛有德等遂導

大清兵襲其城龍數戰皆敗火藥矢石俱盡自刎死

部將

李惟鸞項祚臨樊化龍張大祿尚可義俱死焉廣廊島

在奉天府寧海縣西北海中

副將

尚可喜故與龍相犄角龍既死亦降于

大清

自是海上勢益孤久之將士多敗段諸島雖有殘卒不能成軍朝廷亦不更置帥以登萊總兵提鎮

之而已

九月以錢士升

字抑之嘉善人

為禮部尚書兼東閣大學士預

機務

士升故出錢龍錫門下龍錫出獄周延儒詣之極言
上怒甚挽救殊艱龍錫深德延儒未幾溫體仁至龍
錫述延儒語且謝曰非公等安得生體仁佯曰上故不
甚怒也聞者直體仁而惡延儒士升以座主故因歸
心體仁體仁亦以士升鄉人遂引與共政

冬十一月以王應熊

字非熊巴縣人

何吾騶

廣州香山

並為禮部

尚書兼東閣大學士預機務

應熊熟諳典故而性剛狠溫體仁力援之遂與吾騶
同入閣

賊渡河陷澠池諸縣分掠南陽汝寧遂犯湖廣

賊盡集河北高迎祥李自成張獻忠羅汝才等俱至
左良玉湯九州扼其前京營兵蹙其後賊連戰皆敗
欲逸沮于河大困乃詭辭乞降監軍內臣楊進朝信
之為人奏會天寒冰合賊從毛家寨徑渡河南軍無

扼之者遂陷渑池伊陽盧氏巡撫元默靜海人督軍禦

之賊竄盧氏山中由間道入內鄉大掠南陽汝寧直

走湖廣所在告急賊始起陝西高迎祥最強李自成

屬馬及渡河自成始別為一軍

甲戌七年春正月以陳奇瑜字玉鉉保德州人

總督河南山陝川

湖軍務討流賊

初奇瑜巡撫延綏分遣諸將擒斬諸賊渠金翅鵬一

條龍等

諸頭目凡一百七十餘人

最後又克延水關

一名永寧關在延安府延

州縣東南賊鑽天峭開山斧

關負絕險下臨黃河賊恃其扼塞屢攻不下奇瑜潛師出

賊不意焚其巢二賊俱殲

境內劇盜盡平奇瑜威名大著至是賊

躡豫楚廷議以諸撫鎮事不一請設大臣統之乃進

奇瑜兵部侍郎總督五省軍務專辦流賊

時又以大名道廬象

昇知兵命撫鎮鄂陽

賊自鄖渡漢遂入四川陷夔州

賊渡漢薄穀城集六路諸賊

老猢猻過天星等

犯襄陽分陷

紫陽

明縣正德中治

平利

唐縣今與紫陽俱屬興安州

南入四川掠歸巴

彝陵等六州縣遂陷夔州署府事同知何承光

貴州鎮遠

人死之

時副使以下皆逃承光督吏民城守力竭自無援城遂陷承光整冠帶危坐賊入殺之

賊起陝西轉寇山西河南湖廣四川摧陷州縣數十

未有破大郡者夔州地稱天險及是失守遠近震動

賊既陷夔州又犯大寧知縣高日臨被執罵賊不屈賊碎其體而焚之訓導高錫及妻女巡檢陳國俊及

妻皆遇害又陷巫山通江巡檢郭贊化陣歿指揮王永年田貴守備郭震辰皆力戰死惟梁山以里居中

書涂原集鄉勇伏密箐間用竹畚囊石乘高擊之傅毒弩矢血濡縷輒斃賊多死傷遂退去高日臨字

儼若鄙陽人

三月丁亥朔日食

夏四月山西陝西饑

山西自去年八月不雨至于是月大饑人相食陝西亦大旱詔發帑賑之

六月陳奇瑜圍賊于車相峽

峽在興安州界非華陰縣南之車箱谷也賊偽

降奇瑜縱遣之賊復叛陷所過州縣

先是張獻忠等十三營流突漢南而別賊之入四川者亦以阻險復還鄖陽分其軍為三一往河南一趨

浙川一向商南奇瑜乃馳至均州檄陝西

練國事

鄖陽

盧象昇

河南

凡唐暉
默湖廣
欽人

四巡撫以兵逼其四面而奇瑜偕象

昇督將士由竹谿至平利之烏林關十餘戰大破之

斬三千餘級別將鄧玘等分道擊賊復連勝擒其魁

十餘人又令叅將賀人龍等追至紫陽凡八晝夜賊

死者萬餘賊見官軍盛大懼獻忠奔商維高迎祥李

自成等悉遁入興安州之車箱峽峽四山巉立中亘

四十里易入難出賊誤入其中山上居民下石擊或

投以炬火且用石塞其口路絕無所得食困甚又大
雨二旬弓矢盡脫馬乏芻死者過半自成急用其黨
顧君恩以重寶賂奇瑜左右及諸將帥偽請降奇瑜
意輕賊有驕色遂遽許之先後籍三萬餘人悉遣歸
農每百人以一安撫官護之檄所過州縣具糗糧傳
送賊甫出峽即大譟盡殺安撫五十餘人屠所過七
州縣略陽賊數萬亦來會關中大震

秋七月我

大清兵入上方堡至宣府京師戒嚴

我

太宗文皇帝親征察哈爾其宰桑巴圖魯噶爾瑪濟農等率
衆降因旋師入邊四路並進自宣府趨應州進略大
同克靈邱保安攻下城堡無數總督張宗衡總兵曹
文詔張全昌等不敢戰我

大清兵下萬全左衛始班師宗衡及全昌文詔皆坐遣
戍以巡撫吳甡言留全昌文詔為援勦總兵討流賊

溫體仁巧詐阻
深貌為公貞以
要結主知及在
間惟日以蔽賢
植黨為事甚至
力翻閭閻變亂
是非而于邊計
民生皆漠然置
之不問已為誤
國罪首至流賊
橫行日久聞帥
覆轍相等其廢
潰瀕深雖堂構
亦知為淪胥無

冬十一月逮陳奇瑜下獄以洪承疇代之

給事中顧國寶御史傅永淳交章劾奇瑜受賄縱賊
詔錦衣官逮訊而以洪承疇代時賊以蔓延不可撲

滅大學士溫體仁謂山西巡撫吳牲曰流賊癰疥疾

足憂也

奇瑜罪當死有庇
之者未幾謫戍邊

賊自陝西出犯河南

賊聚陝西至二十餘萬高迎祥李自成蹂鞏昌平涼

臨洮鳳翔諸府數十州縣敗賀人龍張天禮軍殺固

日乃溫體仁未聞有勦盜深謀

原道陸夢龍

賊陷陸德夢龍率遊擊賀其勲都司石崇德禦之所將止三百餘人被圍數重

轉指劇寇為癖

疥置隱憂于度

賊矢石如雨突圍不得出夢龍大呼奮擊手賊數人與二將俱戰死時隆德令費彥方以城陷被執不屈

外真不復少具

死 費彥方字爾

人心莊烈偏曉

英 浙江崇德人

圍隴州四十餘日洪承疇檄總兵

生奸尚加信倚

左光先與人龍合擊大破之會朝廷命豫楚晉蜀之

崇禎十七年之

間相更五十而

兵四道入陝迎祥自成遂竄入終南山已而東出陷

體仁獨居拉八

年終致傾危莫

挽亡國之君各

靈寶汜水滎陽時左良玉扼新安渑池坐甲自保而

賢其臣于體仁

又何貴焉

賊傳其且至乃移畢梅山

在開封府新鄭縣西北

漆水注見前間

良玉實不至也

賊每營數萬因糧宿飽馬一日夜馳數百里官軍饋餉不繼且馬少故多

畏賊良玉前在懷慶與督撫議求協因是
生心緩追養寇督撫檄調亦不時而應

乙亥 八年春正月詔洪承疇出潼關討賊

賊聞承疇出關大會于滎陽老猢猻曹操革裏眼左

金王改世王射塌天橫天王混十萬過天星九條龍

順天王及高迎祥

李自成時尚
與迎祥合

張獻忠共十三家七

十二營議敵官軍未決李自成進曰匹夫猶奮況十

萬衆乎官兵無能為也宜分定所向利鈍聽之天皆

曰善乃議革裏眼左金王當川湖兵橫天王混十萬

當陝兵過天星扼河上綴河南兵迎祥獻忠及自成
畧東方老徊徊九條龍往來策應陝兵銳益以射塌
天改世王所破城邑子女玉帛惟均衆如自成言始

迎祥與獻忠並起比肩而自成乃迎祥支黨及是遂

相頡頏與俱東掠江北兵單弱霍邱先陷

縣丞張有後教諭倪

可大訓簿何炳若皆死

穎州繼之知州尹夢鰲

雲南太和人

通判趙

士寬

字汝良掖縣人

皆拒賊不敵投水死

夢鰲有膂力賊上城夢鰲持大刀殺

賊數十賊至益多遂投城下烏龍潭死弟姪七人從之士寬于城陷後率家衆巷戰力竭亦投烏龍潭死

妻李攜三女登樓自
焚僕主丹亦罵賊死 致仕尚書張鶴鳴及其弟副使

鶴騰子大同一門皆死

賊執鶴鳴兄弟而倒懸鶴鳴于樹皆罵賊不絕口死

其

他官紳士庶死難者共一百三人

衛指揮李從師王廷俊十戶孫陞田

三震羅元慶田得民王之麟

及中書舍人田之穎知

縣劉道遠光祿寺丞李生白訓導丁嘉遇舉人白精

忠郭三杰諸生劉廷傳廷石韓光祖及子定策孫日

曦皆死之有檀之槐者獲母柩不去與賊格鬪殺數

人被

磔死城中婦人殉節者二十七人烈女八人一時忠

烈稱獨盛城破後亦無一人向賊乞憐者賊怒遂屠

之

賊陷鳳陽留守朱國相

榆林衛人

等戰死

先是南京兵部尚書呂維祺

注見前

懼賊南下請防護

鳳陽陵寢不報及是賊自壽州犯鳳陽國相師指揮

袁瑞徵呂承蔭等以兵三千迎戰頗有斬獲俄賊數

萬至官軍敗國相自刎死餘皆陣歿賊遂犯皇陵大

肆掠焚

知府顏容瞻推官萬文英死之

漕運都御史

楊一鵬在淮安遠不及救帝聞變素服避殿逮一鵬

下獄棄市賊合樂大飲自成從獻忠求皇陵小閣善

鼓吹者獻忠不與自成怒偕迎祥西趨歸德復謀入

關獻忠獨東陷廬江

里居叅政盧謙命服危坐中門賊至不動遂殺之舉人張受畢

尹周亦皆不屈死

屠巢無為潛山太湖

知縣金應元自經死訓導扈永寧亦死焉

宿松

夏五月吳宗達罷

宗達在閣值溫體仁專政充位而已及是乞歸

六月賊復走陝西總督官曹文詔戰死

初洪承疇出關至信陽諸將畢會賊見河南兵盛復

分路奔還陝西張獻忠由英霍取道麻城入陝會高
迎祥李自成于鳳翔與官軍遇副將艾萬年柳國鎮等
戰歿文詔聞信急詣承疇喜曰非將軍不能滅此賊
顧吾兵已分無可策應者將軍行吾將由涇陽趨淳
化為後勁文詔乃以三千人自寧州進遇賊真寧

今屬慶陽

府改
正寧

之湫頭鎮

在縣東即九域
志之顯聖鎮也

從子變蛟先登斬首

五百追三十里文詔率步兵繼之賊伏數萬騎合圍
矢蜩集賊不知為文詔也有小卒縛急大呼曰將軍

救我賊中叛卒識之甚賊曰此曹總兵也賊喜圍益急文詔左右跳盪手擊殺數十人轉鬪數里力不支拔刀自刎死遊擊平安以下死者二十餘人賊乘勝

掠地火照西安城中承疇力遮之涇陽三原間賊不

得過

文詔忠勇冠時稱良將第一其死也賊中為相慶帝聞之深為痛悼賜祭葬世廕指揮僉事有

司建祠春秋致祭
本朝賜專諡忠果

秋七月以文震孟張致發

注見前

並為禮部侍郎兼東閣

大學士預機務

震孟在講筵每因事規諫帝數逮繫大臣震孟講魯
論君使臣以禮反覆陳說帝為出尚書喬允升侍郎胡
世賞于獄帝嘗足加于膝適講五子之歌至為人上
者奈何不敬以目視帝足帝即袖掩之徐為引下賊
焚鳳陽陵寢震孟歷陳致亂之源謂當事諸臣不能
憂國奉公一統之朝強分畛域又言陛下宜行撫綏
實政先收人心以遏寇盜徐議濬財之源毋徒竭澤
而漁語多切中時弊至是帝將增至閣臣以翰林不

習世務思用他官叅之召廷臣數十人各授一疏令
票擬震孟引疾不入至發所擬獨當帝特命至發與

震孟並入閣

初至發由玉田遵化知縣行取授禮部
主事累遷先祿卿精覈情弊多所釐正

遂受帝知旋陞刑部右侍郎明代自世
宗朝許讚後由外僚入閣自至發始

賊復東犯總兵官尤世威

榆林人

敗績

賊為洪承疇所遮獻忠將由藍田走廬氏復扼于世
威仍入商雒山中叅將徐來朝所部三千人不肯入
山大譟賊至來朝逃一軍盡歿世威軍暴露久大疫

與賊戰失利敗走賊遂出關分十三營東犯惟高迎

祥李自成留陝西事聞命解世威任

後宣大總督盧象昇言世威善

撫士曉軍機徒以數十客族久戍荒山水土失調疾疫大作遂致失利今常用兵時產之可惜乃命赴象

昇軍自歎

八月以盧象昇總理江北河南山東湖廣四川軍務討

流賊

賊已蔓延半天下洪承疇一人不能顧乃擢象昇總

理承疇辦西北象昇辦東南尋進象昇兵部侍郎加

總督山西陝西賜尚方劍

九月洪承疇破賊于渭南

象昇既加總督詔令督關外而承疇督關中時迎祥

自成亦分兵迎祥畧武功扶風以西自成畧富平三

原以東承疇遣將追自成小捷至醴泉賊將高傑

宋脂

人通于自成妻邢氏

邢氏趨武多智掌軍資每日支糧伏傑則過氏營分合符驗氏

傳傑觀與之私通

懼誅挾之來降承疇復身追自成大戰渭

南臨潼自成大敗東走迎祥亦屢敗東逾華陰南原

絕嶺與自成偕出朱陽關

在陝州盧氏縣西

與獻忠合

王應熊罷

應熊為楊一鵬所取士一鵬得罪言者并劾應熊遂

引罪乞歸

冬十一月何吾騶文震孟罷

震孟與溫體仁不合給事中許譽卿以鳳陽皇陵被焚劾體仁誤國體仁憾甚會有劾譽卿為人營求遷擢者體仁擬旨斥譽卿為民吾騶震孟力爭帝責二

人徇私撓亂並罷之

體仁收橫而中阻深所欲推薦陰令人發端而已承其後欲排

陷則故為寬假中止所忌激使自怒帝往往為之移初未嘗有迹

賊陷陝州攻洛陽

賊薄閭鄉左良玉祖寬禦之不克遂陷陝州攻洛陽

良玉從巡撫陳必謙赴援獻忠走嵩縣迎祥自成走

偃師鞏縣略魯山葉縣陷光州會象昇自湖廣帥師

至合寬等擊敗之于碓山

丙子九年春正月盧象昇敗賊于滁州

是時賊勢猖獗諸將帥畏懼不前象昇每慷慨灑泣
激以忠義軍中嘗絕三日餉象昇亦水漿不入口以
是得將士心戰則有功時師次鳳陽諸將來會象昇
乃上言曰賊橫而後調兵賊多而後增兵是為後局
兵至而後議餉兵集而後請餉是為危形況請餉未
數兵將從賊而為寇是八年來所請之兵皆賊黨所
用之餉皆盜糧也又言總督總理宜有專兵專餉請
調咸寧甘肅之兵屬總督薊遼閩寧之兵屬總理又

言各直省撫臣俱有封疆重任毋得一有賊警即求援求
調不應則秦越也分應之何以支持又言臺諫諸臣不問
難易不顧死生專一求全責備雖有長材從何展布臣與
督臣有勦法無堵法有戰法無守法具言皆切中事宜而
朝廷不能盡用也會迎祥圍廬州不能破分道陷含山和

州

和州黎宏業訓導唐正諫在藉御史馬如蛟皆死之宏業順德人如蛟字騰仲州人

進圍滁洲

象昇聞警即率總兵祖寬遊擊羅岱軍馳抵滁城下鏖戰
賊大潰追斬無數伏屍蔽野滁水赤流數里賊乃趨鳳陽

圍壽州突頴霍蕭礪靈壁虹窺單曹總兵劉澤清

曹州人拒

河乃掠考城儀封而西其犯亳者折入歸德永寧總兵官

祖大樂邀擊之賊乃北向開封陳永福敗之朱仙鎮賊遂

走登封與他賊合分趨裕州南陽象昇合寬大樂岱

兵大戰七頂山

亦曰七峯山在裕州北

殲自成精騎殆盡

以前禮部侍郎林釡原官兼東閣大學士預機務

初釡以忤魏忠賢去忠賢誅起官至禮部侍郎謝病

歸至是與劉宗周同召見帝問人才兵食及流寇狀宗

周言陛下求太太急用法太嚴佈令太煩進退天下
士太輕故有人而無人之用又問兵事周言禦外
以治內為本願陛下以堯舜之心行堯舜之政則天
下自平矣帝迂其言命鈺以原官入閣

二月山西饑人相食

寧夏兵亂殺巡撫王楫

泰安人

寧夏兵苦饑楫不能措餉兵譟而殺之副使丁啟睿

永城人

捕斬首惡六人乃定

以武舉陳啟新

淮安人

為給事中

明祚至此已非
空談科目資格
考選諸具文所
能裨補萬一況
啟新以武舉上
書其疾視科目
資格考選而冀
得一逞其自薦
之私固不待智
者而辨蓋由奸
人逆窺莊烈之
意以一時官寮
猜習中外迄無
足倚之人因而

啟新上書言天下有三大病士子作文高談孝弟仁
義及服官恣行奸慝此科目之病也國初典史授御
史秀才授尚書嘉靖時猶三途並用今惟一途一舉
進士橫行放誕此資格之病也舊制給事御史教官
得為之今惟用進士知縣監司郡守承奉不暇此行
取考選之病也請停科目罷行取考選以除積弊蠲
災傷田賦以蘇民困專拜大將以便宜行事帝大悅

緣人咎法謂一切取士程材都無實濟是以言者聽者梓如針芥之投迨至敗檢逃官為世笑柄固自無足深責耳

擢吏科給事中朝士深惡之紛然論劾帝皆不聽

後啟

新以受職匿喪削籍下撫按追贓竟逃去

三月賊高迎祥李自成復入陝

迎祥自成自敗于象昇後分部再入陝迎祥由鄖襄

趨興安漢中自成由南山穿商維走延綏犯鞏昌北

境諸將左光先曹變蛟破之自成走環縣未幾軍官

敗于羅家山

在興寧縣東

盡亡士馬器仗總兵俞翀霄被

執自成勢復振

夏四月我

太宗文皇帝建國號曰大清改元崇德元年

我

太宗文皇帝繼承丕緒厲精圖治規模宏遠伐叛撫降平定

察喀爾

先是遼東有鵲鴿來集此鳥乃西北蒙古所產人皆謂蒙古順歸之兆既而我

大

兵西征察喀爾至西喇朱爾格索訥木台吉等率眾請降遂進至林丹汗子額哲所居之托里圖撫兵不

動遣人往諭額哲之母遂偕其子及薩哈勒察卦勤舉周歸附并獲元代所遺傳圖爾

察瓦爾喀呼爾哈暨蒙古各部落靡不懷德畏威稟

承教令攻城畧地所向成功國勢滋隆人心嚮附諸
貝勒大臣等請尊號

太宗文皇帝固辭不允諸臣再三陳請乃受

寬溫仁聖皇帝尊號建國號曰大清改元為崇德元年

時制
度大

備營
建

天壇

太廟悉如典禮復定宮殿名正殿為崇正殿後為清寧宮臺

東樓為翔鳳樓臺西樓為飛鳳閣大殿為篤恭殿建
制壯麗規模宏遠百司官舍皆以次備列一日

太宗

御翔鳳樓召諸王大臣入令從官讀金世宗本紀因諭
之曰金太祖太宗法度詳明可垂久遠至熙宗赫拉

及亮顯亮之世廢之無樂無度效漢人之陋習世宗
即位勤求治理鑒以無忘祖宗為訓衣服言語悉遵
舊制時時練習騎射以備武功雖乘訓如此後世之
君漸至懈廢忘其騎射至于衣宗國遂滅亡乃知為
為君者耽于酒色未有不
亡者也爾等其謹識者

罷錢士升削御史詹爾選

字思吉撫安人

籍

時溫體仁以劾覈導帝士升獻四箴大指謂寬以御
衆簡以臨下虛以宅心平以出政帝優旨報聞而意
不悅有武生李璉者請括江南富戶令報名輸官士
升擬旨下刑部提問上疏言郡邑有富家固貧民衣

今富戶報名輸
官與禦入國門
何異當時數田
增賦方以峻令
苛求小人帝指
生風遂敢以搜
括之策肆行入
告錢士升擬旨
提問亦欲加懲
創以警妄言耳
乃莊烈覽疏既
斥以沽名復聽
其引退初不以
括富為非故轉
覽岳言逆耳而
貼危尚不知為

食之資未嘗無益于國周禮荒政十二保富居一今
秦晉楚豫已無寧宇獨江南數郡稍安此議一倡無
賴亡命相率而與富家為難矣帝報曰即欲沽名前
疏已足前疏謂四箴也士升引罪乞罷許之爾選謂
輔臣不當以進言去因言帝行一切苟且之政帝面
加詰責命錦衣提下爾選叩頭曰臣死不足惜願陛
下姑留臣言以為他日思帝大怒諸臣力救乃作為
民

開閣留一錢元
氣非自促喪亡
而何

六月林鈺卒以孔貞運

池州建德人

賀逢聖

字克繇江夏人

黃士俊

廣東順德人

並為禮部尚書兼東閣大學士預機務

逢聖性廉靜初官翰林湖廣建魏忠賢生祠或傳上

梁文出逢聖手忠賢詣謝逢聖曰無之借銜陋習爾

翼日遂削籍帝即位召還至是與孔貞運士俊俱入

閣三人皆不能有所匡益

秋七月我

大清兵入塞

大清兵入喜峯口

巡閱御史王肇坤拒戰死

由間道至

昌平

總兵官巢丕昌降督餉主事王桂趙悅署州事通判王禹佐學正解懷亮訓導常時克守備成貞

吉皆死之

王桂黃岡人

連下畿內州縣

下順義知縣上官蓋自縣遊學治國器指揮蘇

時兩訓導陳

所藏皆死之下寶坻知縣趙國鼎與主

簿樊樞典史

張六師訓導趙士秀同死下定興在籍

太常少卿鹿

善繼不屈死教諭熊嘉志亦死之下安

肅知縣鄭廷

任與妻同殉教諭耿三麟亦死之上

官蓋字忠赤

曲沃人趙國鼎山西樂平人熊

嘉志灤州人

鄭廷任臨清人耿三麟靈壽人乃召諸

鎮兵入援給事中王家彥

荷田人

以陵寢驚動劾兵部

尚書張鳳翼鳳翼自請督師命與中官羅維寧宣大

總督梁廷棟相犄角然皆不敢戰

陝西巡撫孫傳庭

字伯雅據
武衛人

擊高迎祥于盤屋擒之送

京師伏誅

傳庭代洪承疇為巡撫銳意滅賊賊首整齊王據商

維傳庭檄副將羅尚文擊斬之又督賀人龍等擒迎

祥于黑水峪

一名巴谷在
盤屋縣東北

獻俘闕下磔死賊黨乃共

推李自成為闖王

諭廷臣助餉

未幾又括勛戚文武諸臣馬開銀鐵銅鉛諸礦

八月唐王聿鍵

太祖九世孫

起兵勤王廢為庶人錮之

先是流賊起王蠲金築南陽城又援潞藩例乞增兵
三千人不許至是京師戒嚴王昌義勤王詔切責之
行至裕州與流賊遇亡其內豎二人事定下部議廢
為庶人幽之鳳陽

我

大清兵東歸

九月以盧象昇總督宣大山西軍務

象昇奉詔入衛至己解嚴會梁廷棟卒命代為總督
宣大率苦缺餉象昇乃大興屯利行二年積穀至二
十萬帝諭九邊奉以為式

冬十一月削前工部侍郎劉宗周籍

宗周累疏陳時政語多激切為溫體仁所忌請告去
至天津聞京師被兵留不行上疏極言體仁奸邪致
刑政乖舛及宦官不宜總軍務凡數百言帝怒斥為民

御批歷代通鑑輯覽卷一百十四